

清夢外史精

卷一百零七
第一百零七

新平記

清季外交史料卷二百零七

光緒三十三年十月

目錄

督辦閩粵農工路鑛張振勳咨外部華商自辦廣澳鐵路擬訂章程

請奏明立案文附清摺十月初二日

郵傳部奏接收新奉鐵路及增改工程籌撥款項摺初四日

鄂督趙爾巽致外部日本在租界外買地擬即贖回電初八日

外部致日使林權助吉長鐵路派員會勘俟日本工程師派定知照

本部照會十一日

徐世昌唐紹儀致外部擬與保齡公司訂立建築新法鐵路協定節

略函附節略及草合同十五日

徐世昌唐紹儀致樞垣外部請簡馬廷亮爲安東道電十八日

外部奏覆陳蘇杭甬鐵路借款磋商爲難情形摺二十四日

東督徐世昌致外部日在延吉明攘司法暗攘領土電二十四日

徐世昌唐紹儀致外部關外延長路線不能因日人干涉停止電二

十五日

東督徐世昌致外部天寶山案分爲三段立論日人不允電二十八日

清季外交史料卷二百零七

男希隱亮編

黃巖弢夫王彥威輯

孫孝章敬立校

督辦閩粵農工路鑛張振勳咨外部華商自辦廣澳鐵

路擬訂章程請奏明立案文

附清摺

督辦閩粵農工路鑛大臣張振勳爲咨呈事案查廣澳鐵路原訂中葡兩商合辦雖立有合同久未能集股開辦迨林德遠故後經職商林炳華等繼承其志商諸葡商伯多祿據稱不願辦理中國地界讓與華商自辦等語即經該商等稟請前澳門葡督允許給有致前駐京葡使一

函故公舉代表股商唐紹業等於光緒三十三年九月赴京投遞守候
註銷合同辦理本大臣並給以公文咨呈鈞部在案詎值駐京葡使新
舊交替事未接洽雖經外務部迭次據情照會未准照覆至今尙無成
議本大臣忝司路務豈忍坐視垂成不圖竭力斡旋以冀挽回利益現
值澳門新督蒞止本大臣即親往商榷聲明此路一成不但有益於華
商且可振興澳界旋准新葡督羅答以在前所議註銷合同一節我政
府雖知其事恐華商無殷實股東不能擔任故未給以實在允許文憑
致延時日今貴大臣既出爲擔承有權辦理本督部堂實爲欣悅當允
許註銷舊時合同由貴大臣承辦建築該路等語另給有文憑一角內
註條款六則並允先行電致駐京葡國使臣知照一面囑派代表人赴

京齎投文憑接洽辦理本大臣查前次赴京代表股東職商唐紹業已經身故現就股東中選舉分發江西試用知縣沈殿磐同知職銜謝維顯齎文並附呈章程清摺一扣呈請鈞部鑒核俯賜咨請外務部照會葡國使臣查照註銷舊時合同准將廣澳鐵路中國地界歸華商自行興築辦理一俟註銷約定即請鈞部將此次所呈章程核訂奏明立案頒給關防俾此路早日興工感激無既須至咨者

計呈章程清摺一扣十月初一日

謹將改歸華商自辦廣澳鐵路章程開具清摺呈請鑒核

第一條定名目 本公司承辦此鐵路係由廣州市城對河芳村之下築起建立車站越順德之陳村大良容奇新會之古鎮江門香山之小欖石岐至前山澳門分界止計華程約三百六十里名爲商辦

廣澳鐵路有限公司

第二條推督理 此鐵路工程浩大用人行事一切須賴有聲望素孚之人主持督理始能保顧大局今憑衆議公推張太僕弼士爲督辦諸務悉聽其規畫凡事應與之確商其認股多數之股友俟奉大部批准承辦之後查明實在公正或舉爲總理協理總董董事各執事屆時再當公議商請督辦分咨立案以專責成而一事權

第三條招華股 此廣澳鐵路約長一百四十餘英里約估需銀一千五百萬元分作一百五十萬股每股計本銀十元以香港銀爲准本公司股分總簿一本編列號數蓋用公司關防分別存根執照凡附股者須將姓名籍貫住址詳細填註總簿及股票上認股註冊之

時每股先收掛號定銀四大元其餘六大元再遞按六個月繳清或一次交足任聽股東之便總計每股收足股本銀十元正凡領簿招股紳董內地自領簿之日算起以三個月爲限即將存根簿交回公司查對認股者已經認定股分若干將執照及定銀送交銀行或銀號收存取該銀號收條爲憑所有股分銀兩統歸香港某銀號廣州某銀號分收分存以備支用其股票則俟股銀交足憑銀行銀號收條到本公司換給股票息摺按年息定議六釐至派息時憑摺收息交股銀時以每次收銀之日如每月十五日以後截歸下月初一日起算如十五日以前則截歸本月十六日起算以昭平允

第四條防流弊

此項鐵路股票息摺祇准轉售抵押於華人其轉

售時應先報明公司由公司更名註冊方能作准如有私自轉售抵押者公司祇准其憑摺付息不認爲正股東於公司用人行事概不干預以杜驕轍

第五條選員司 公司用人極爲緊要所有司帳司事人等由多數股友及招股最多之公正紳商保舉仍歸督辦暨協理量才器使酌給薪工按月支發不得掛借移挪如有浮冒虧空等弊由總協理會商於督辦辭退另選妥人承充其經手原人如有虧空銀項或與人通同作弊等事至公司虧損者一經察出仍向原保之人追賠其應用外洋工程師及機器師等亦須選擇技術精良恪守公司規例者另立合同訂明權限惟所訂合同先須呈請大部核准然後照行設

洋員有不守本分滋生事端及虐待華工等事查明確據即行撤換不得徇隱

第六條分職任 此次鐵路工程浩大總協理各員一俟招股開辦時再行派充以重事權或另由公司選擇各大股東及招股最多之殷實紳商爲總協辦其次爲總董董事所有支款用人事概歸督辦及總協理主持分派惟是和衷乃能共濟集思所以廣益事無大小仍須協力同心彼此商妥方可舉行一切購用工料動關鉅款尤須衆議妥善以免糜費

第七條購地畝 凡鐵軌所經之處並橋樑碼頭貨倉機廠車站一切爲路工應用地段如係官荒由公司指明地方官丈量比照附近

賦則升科如係民業執有印契或糧串爲憑查照未製鐵路以前民間買賣時價酌中核定由公司插標價購或業主欲將地價入股者聽業主之便如遇墳塋廬舍尙可繞越者自宜設法繞越倘地屬要需萬難繞越自應商令遷讓仿照津榆蘆漢粵漢等路現行章程除地價外另給屋資遷費不得藉風水爲名把持阻撓如有地痞串同胥吏謠惑鼓煽阻礙大工應由公司隨時咨請地方官從嚴究辦以遏刁風

第八條定年限 查外洋各國商辦鐵路章程均定有期限七十五年或六十年或五十年不等此條廣澳鐵路前於光緒三十年已經立案准以五十年爲期如大部能准本公司加訂十年共六十年爲

期如不能加即照前訂合同以五十年期限爲准亦可如期滿後國家欲收回官辦准予本公司照舊辦理以二十五年爲期至期滿時後仍不欲收回亦照第二期辦理以昭公允

第九條請保護 鐵路工程中國尙少專家舉凡勘估興築一切關係至要不得不暫聘洋員以資襄助仍隨時察訪中國著名工程師並遣派學生出洋習工程行車等事一俟接替有人即專爲華人經理目下興辦之初洋人往來內地民智未開動多疑阻應請地方官剴切出示曉諭其沿途地方文武各官一律照請保護庶免別滋事端以期安靖

第十條正線路 各國建造鐵路均有限制如甲公司造一路其線

由東而西或由南而北乙公司不能又造一路與甲公司所造之路線相並而行攙奪利權本公司奏請建造此項軌路其左右兩面各十英里以內他人或別公司不得築造平行同線之鐵路以免兩受虧損

第十一條設巡役 鐵路地方遼遠彈壓稽查均關緊要自應分設巡丁以資保護擬請准由公司酌度情形自行招募所有口糧號衣旗幟並應購用鎗械子藥祇由公司自購不領官款以資防衛其招募勇丁名額及購備鎗械若干另行呈請大部及地方官立案巡丁如有不安本分滋生事端輕則斥革重則送交地方官懲治

第十二條設電線 此次鐵路沿途應用電線德律風應請大部核

准公司自建惟准鐵路之用不准代人傳電收費

第十三條便航運 本公司應用機器材料月需薪水銀兩及工師匠役往來均須隨時駁運若附商船恐稽時日而誤要工擬由公司自備小輪船駁船扒船數艘照章請發船牌照以便查驗放行所運材料機器進口關稅現章奏免在案其內地釐金應否邀免俟開辦時再當咨商兩廣總督部堂酌核辦理

第十四條重要公 鐵路一舉現爲便民並資衛國此路曾由商款商辦應查照各國情形訂明期限如未歸官以前遇有軍務賑務自應儘先載運公家兵丁餉械糧石等件其車費悉照半價給發此外平時無論何項官員差役往來坐位運腳仍照章收價以杜藉端齟

語凡違禁物件本公司概不載運

第十五條設總董 本公司擬設總董十三位此總董乃有議事之權督辦總理董事司事人等乃有行事之權其餘無論大小股份多少均有獻議之權而該總董每位自己名下應有集股五千股該股本銀五萬元方爲合格此次總董由衆股東公舉每年一次俟該全路造成行車之後再行另議年期該總董若已設定十三位之外倘公舉過額者則由掣籤以定去留而免向隅

郵傳部奏接收新奉鐵路及增改工程籌撥款項摺

郵傳部奏爲接收新奉鐵路及增改工程先後籌撥款項恭摺仰祈聖鑒事竊查奉天至新民屯鐵路前由日本築造光緒三十一年十一月

中日全權大臣會議由中國備價收回本年三月間外務部與日本使臣訂立合同奏明該路售價日金一百六十六萬元由京奉鐵路餘利項下提付日金一百六十六萬元於三月十二日交日本使臣林權助收訖一面派京奉鐵路總辦道員周長齡等辦理接收事宜於四月二十一日按照日使交來清單將全路約一百二十里暨車輛材料器具點驗清訖自是關內外全線由京師直達奉天兩京同軌悉慶蕩平當由臣部奏請將該路定名京奉仍飭周長齡兼管在案查該路綰轂要衝於軍事實業諸端關繫至爲切要今既收回自辦亟應改良盡善以期便利轉輸該路當日築造時本爲行軍而設工程既不合宜材料亦多窳劣其鐵軌距離較京新舊線尙狹一尺二寸彼此車輛不能聯接

必須展寬軌道方便交通而遼河木橋長約一千九百餘尺尤須改造鐵橋以免危險其餘工程材料急需添改處尙多察看全路情形幾須全行改築經飭總工程司等切實估計約需銀元一百九十餘萬元臣等詳加覆核均屬實在要需自應預行籌備仍飭分期領用撙節開支惟臣部現無存款該路所需一百九十餘萬元除遼河以東工款照外務部所訂接收該路合同應向日本籌借一半現議借銀元四十萬元外自餘一百五十餘萬元擬卽由京奉餘利項下分年撥付以資挹注而重路工綜計全路增改工程約明年夏秋可以完竣現就原路急加修理業於五月十九日由京至奉全路通車一面趕辦增改工程庶尅日程工藉副朝廷興業便民之至意所有接收新奉鐵路及增改工程